

慶元府雪竇明覺大師集

一



據中國國家圖書館藏宋刻
本影印原書版框高十八
六釐米寬十二·九釐米

慶元府雪竇明覺大師祖英集上



參學小師

文政序

師之形言也且異乎陽春白雪碧雲清風者也夫夫
圭不琢貴乎天真至言不文尚於理實乃世之銜鑑
豈智識而擬議哉師自戾止翠峯雪竇或先德言句
淵密師因而頌之或感興懷別貽贈之作固亦多矣
其有好道者並錄而囊之一日摠緝成二百二十首
乃寫呈師師曰余偶興而作寧存于本不許行焉禪
者應曰乃祖闡千載之芳烈也勿輕舍諸師察其慤
志勉弗獲已抑而從之文政幸侍座机輒述序引用識
歲時

其二

炎宋天聖十年孟陬月謹序

送寶相長老并序

大師歡禪德將赴丹丘辟命光闡宗乘益時應必行
固不可抑留者也且撫會之作肇曠絕之道雖一凝
一流一彼一此又何間然率織蕪辭以代畫賁別

奧域靈區存物外獨標台嶺爲絕槩掩勝潛竒列作
屏堆青寫碧深如黛彤霞暖影生巖壁香桂茂陰籠
蘚石赤松子也浪虛閑白道猷兮大輕擲曹溪有叟
歸其中風從虎兮雲從龍乘興正值二三月坐斷還
依千萬峯花飛飛日遲遲清颼颼吹無時玲瓏八
面自回合峭峻一方誰敢窺窺來須得乾坤眼照古

騰今謂非間若能此去副全提開發人天有何限

送法海長老

常愛裴相國式芳塵斷際高風慕要倫擬欲事師為
弟子不知將法付何人常愛李相國垂列星藥嶠深
源宅性靈我來問道無餘說雲在清霄水在鉗細想
當時二台輔出鎮藩維訪諸祖寥寥浮幻輕百年落
落宏規照千古今聞仙都賢太守入政褰帷聲浩七
英佐一一分化條文經武緯亦難討遠遠牋函飛乳
峯選開士兮恢吾宗觀夜光非震滄海聆正音豈玩
焦桐徒誇麟龍自西自東應排罔象得象必須覺雄
讓雄今既塞請還也奇別茫茫普熱紛紛下雪倒流
四河載發枯枿卷舒立方外乾坤蹤橫挂域中日月
黃頭碧眼知來知去去憑誰誰繼清絕

送文政禪者

古有焦桐音聽寡不在彈古有陽春曲和寡不在言
言兮牙齒寒未極離微根彈兮歲月闌未盡昇沉源
少林幾坐花木落庾嶺獨行天地寬因笑仲尼溫伯
雪傾蓋同途不同轍麟兮鳳兮安可論許兮巢兮復
何說秋光澄澄蟾印水秋風蕭蕭葉初墜送君高蹈
誰不知如曰不知則為貴

送昭敏首座

君不見鷲峯勝集百萬茫茫等閑過壞衲之外皆清

墮君又不見熊嶺孤運歲月索索艱難生深雪之中
有一箇宛轉流落千餘年危分嶮布空平聞弁龍蛇
兮眼何正擒虎兇兮機不全石窓四顧滄溟窄寥寥
不許白雲白掣斷金鑠天麒麟高舉鐵鞭擊三百猶
輕舍爭知也別有七星光闕射風前把欲贈行人將
報不平遶天下

送知白禪者

松不直棘不曲誰笑卞和三獻玉經天緯地太無端
邁古超今亦輕觸靡羈束何必云素範還七真規復
復旃檀葉落香風清千里萬里長相逐

送勝因長老

黃梅散席三百載續燭聯芳事空在宗兮派兮生異
端花兮葉兮太煩碎韶陽間出多慷慨權要雄雄曾
絕待曲木據位知幾何利刀翦却令人愛近還有箇
披老衲楚甸橫身風颭颭鐵作一尋非等閑壁立千
仞須摧蹋報君知江南江北徒纍纍教龜轉海運兮織
鱗片甲雷奔電驅兮寸毫尺釐斯言勿謂存規矩平
不留兮險非取周行獨立如便休誰振宏綱照千古

送重郢禪者

春雨如膏春雲如鶴忽此忽彼乍休乍作枯葦離離
維風太遲幽石片片遼空亦危一花五葉兮不相似
獨孤明兮還自知還自知歷魏游梁徒爾爲

送僧歸靈隱 因賜白雲無羈

白雲無羈冷淡清竒雪格未可鶴態還早垂天沃日
兮似結不結爲雨從龍兮後期必期噫悠悠忽爾春
風吹南北東西唯我知誰知菡萏峯前布影時

送僧之石梁

萬卉流芳不知春力巖畔澗下蹙紅皺碧乘興復誰
同孤蹤遠讎敵君不見五百聖者導雄機靈峯晦育
深無極寒山老寒山老隨沉跡迢迢此去須尋覓花
落花開獨望時記取白雲抱幽石

送師旻禪者

深巖寂寂披蘭芷碧霧紅霞映流水空生別我期未
期絕域殊方擬輕擬堪笑歸嶺南奔馳何鄙彼危急
亂拋下盡云提不起伊予本自不將來相送奚憑挂
唇齒旻禪客旻禪客師子子應須落落存終始君不
見古人有言兮撲碎驪龍明月珠大丈夫到如此行
行不用頻彈指

寄白雲長老

八紘雲靜明寥沈夜永松堂對寒月凋殘片葉墜虛
庭冷寂何人立深雪因憶錢唐郤禪者十載巖栖曾
未下分飛誰謂絕相同遠念冥冥欲奚寫忽聞赴請
之仙都聲光藹藹登清途孰云天驥驟方外自笑大
鵬離海隅乾坤窄乾坤窄湛盧潛射斗牛白茫茫無

限未歸人到必為時除點額

送智遷首座

雲蘿杳杳藏巖曲碧壘清飛冷相促瘦藤輕衲休便
休短焰殘芳續何續禪家本自冥羈絆洲渚園林曾
不憚十影神駒立海涯五色祥麟步天岸君看取君
看取匝地茫茫有誰舉瓠齋頻磨如未回為吾深憶
盧公語

送善暹首座

名之基實之蒂深兮固兮宛相繼古之名也在希聲
今之實也同浮瞽子州善卷之流也堯驅舜馳讓無
暇歸去來兮歸不歸到頭未出冥冥者吾徒孰謂標

其二

五

竒絕動靜憑君試甄別葉零兮秋暮半凋花片片
兮春暖齊發暹禪老暹禪老意曾高曠排沾待忽致
譏壞天人列請兮屢輕笑祖佛位卑兮還擬逃我恐
逃之逃不得大方無外皆充塞茫茫擾擾知何極八
面香風惹衣袂

送僧

吳山碧楚江碧吳楚悠悠興何極一尋寒木自為鄰
三事秋雲更誰識乾坤不是無知己玉石休云辨真
偽待時沾譽漫淪生晦跡韜光亦何意春風急春風
急八駿奔馳追不及南北東西把定時為君直上孤
峯立

觀氣紛披非獨
古有識之言也

頌藥山師子話送僧

斥愬金毛師子子梅檀林下青莎裏置也置也威自
全一出六出眉剔起非擬擬知幾幾星流不問三千
里天外風清哮吼時爲君吸盡西江水吐

送秀大師

巖竇宵寒擁山帔月高古木霜禽睡西庵禪者來扣
門別我凌晨下層翠欲留不可留寫意不及意屈晦
迢迢安足云花偈聯聯太容易君不見劉陽叟絕希
冀送人只道無他事行行會有知音知何必清風動
天地

送廣華嚴歸鷲峯

海山孤僻非蓬島霧冷雲深松桂老有客凝冬何太
高巨野宵征苦相討巖房杳杳凌寒空冰霜落落分
譚叢誰云百城沉古月自笑八面生清風俄然別我
還歸去惠理之徒望回馭重重無盡樓閣門到必爲
時略輕據

送遠塵禪者

衲卷殘雲風高絕鄰倚天照雪堪抗要津八紘極目
兮春山若黛九野縱步兮汀草如茵三十四老未輕
識凜然方外奚相親

送德隆山主

霜葉凋殘巖風凜寒彼之禪老忽下崇巖衲有雲兮

曾卷未卷琴無絃兮解彈不彈迢迢既行宜聽斯語
明暗路岐生死洲渚而今而後知不知頽網委地憑
誰舉

送澄禪者

春色依依襲爾原草春風浩浩拂我窻牖念此分飛
贈無瓊玖片片亂飄巖上梅條條縱舞溪邊柳澄禪
澄禪聽斯言古也今也行路難知之者石火星流未
急不知者龍驥步驟曾寬看看孰云平地起波瀾

送惠儔禪者

少林風規何太蕭洒籠古罩今睥真睨假誰云發機
射虎自笑品類觀馬劍客茫茫不要呈甌人往往須
擒下儔禪儔禪崢嶸象駕

送惠文禪者

正法眼絕塵沙二三四七水月空花千燈續燄曾間
五葉分披未葩君不見卷蓆百丈掩耳丹霞龍行虎
步爭孤立盡同雲雨去無涯文禪文禪騰煥吾家

送道成禪者

曹溪流非止水一點忽來千波自起直須釣鼈釣鯨
莫問得皮得髓君不見石頭有言兮聖不慕他靈不
在已成禪成禪誰家之子

送清演禪者

我年老大心力衰微贈別無語冥同振飛因思古之

送人有言吾不知其殊途同歸猶愛新豐曲騰清輝
寸草不生千萬里出門春色共依依

送繼寶禪者

寶非寶日杲杲上上機無處討赤水求來何太狂荆
山覓得苦相惱不惱不狂排夜光險惡道中為津梁
送小師元楚

道之冥機一何相守汝競光陰我親蒲柳毋厚弁之
奪席毋薄愚之誦筵深思彼伐木丁丁之聲照古照
今今宜善求友

送清杲禪者

春雨濛濛春風颭颭動兮靜兮匪待時出雲霞閑澹
作性金鐵冷落為骨知我者謂我高蹈世表不知我
者謂我下視塵寰道恣隨方情融羈鎖紫栗一尋青
山萬朵行行思古人之言無可不可南北東西但唯我

酬行齋長老

黃金為骨松為姿道高曾鄙天人師有言遺我千古
奇無人知石虎吞却木羊兒

至人不器

誰當機舉不賺亦還稀摧殘峭峻銷爍玄微重關曾
巨闢作者未同歸玉兔乍圓乍缺金烏似飛不飛盧
老不知何處去白雲流水共依依

因事示衆

石本落落玉自碌碌古之今之一何誓速師子不咬
麒麟猛虎不食伏肉君不見洞庭孤島煙浪深木馬
追風有人識

日暮游東澗五首

極目生晚照溪雲偶成朶大朴曾未分青山自唯我
極目生晚照遠樹籠微陰誰知清淺流別有滄海深
極目生晚照幽情眷蘭芷白蘋葉裏風不在秋江起
極目生晚照步影何遲遲歸禽古木中相對頻相窺
極目生晚照蓬萊匪仙境釣得十二鰲重來謝孤影

思歸引三首

一住翠峯頂兩見溪草綠不知朝市間幾番生榮辱
蕭條巖上雲冷淡水邊竹報誰歸去來向此空踟躕
常憶在廬山隨時寄餅錫五百與一千聚頭同遣日
猿攀影未回鶴望情還失教他王老師癡鈍無處覓
時雨洒如膏萬卉皆滋益枯根甘自休也似春無力
耕夫曉尚眠蠶婦夜多息從茲家業荒共落風塵跡

送蘊懽禪者西上

金闕路曾遙行行值開泰石房雲未閑杳杳若相待
高蹤逾履水何人不傾蓋早晚承帝恩再卜林泉會

送僧

春雲情既高片段飛虛碧去留機未消今古望還積
澄澄天影回杳杳地形直別夜共相思誰栖此泉石

法爾不爾

夏雲多奇峯乾城冷相映借問諸禪僧那箇堪憑定
乾城高鏤月夏雲欲爲雨若謂非全功子細看規矩
送諸方化主

空巖暖律回極目望還普數點方外雲幾處人間雨
寥寥滄海月依依少林祖去必示勞生清風立千古
劉禹端公問雲居雨從何來

東平問官人風作何色

雨從何來風作何色龍門萬仞曾留宿客進退相將
誰遭點額

風作何色雨從何來不用彈指樓閣門開波波稜稜
南方未回

送僧

松風清未休水月淡相對去來非等閑必許孤雲會
頌雲門九九八十一二首

三三九九八十一一觀風隨召出千古有誰同共
知一毛師子衆毛畢

九九八十一大勳不豎賞若謂無該訛金剛曾合掌
烏龍和尚

空巖清夜坐蘚徑積深雪瞑目思古人徹曙落殘月
童敲石磬寒猿挂枯枝折杳杳無限情分明向誰說
秋日送僧

邊鴈影邪寒蟬聲速乘時毳流遠別巖谷林驚一葉
兮微風觸袖水肅百川兮片月在目因憶象骨老師
曾送人行行不謂抽金鏃

早參示衆

曉天雲靜濃霜白千峯萬峯鏤寒色驪龍失珠知不
知無限平人遭點額

春風辭寄武威石祕校

春風何蕭蕭和雨復兼雪圻花功未深偃草勢曾烈
毗城癡愛老怯寒對清拙衰巖影響士難御同孤劣
鼇峯人不來柴門亦休閉松頭栗鼠下時把藤牀響
庭際霜禽歸屢啄苔錢缺一旦春風息暖日生林樾

十一

幽徑磐石上拄筇行且歇無絃兮莫彈有語兮存舌
冷落流水聲古之若爲說凋殘早梅樹今之若爲別
俯仰身力輕翻憶春風切爲吾吹却塵欲革分歧轍
爲吾吹却雲欲問遼空月不知天地間堪爲誰交結

送百丈專使

大雄孤頂曾遐舉徧索諸方誰敢拒乳竇峯前捋虎
鬚再得完全又歸去

送清素禪者之金華

古策風高餅浪闊春雲片段分清絕金盆后夜孤頂
寒去去誰同落殘月

擬寒山送僧

擇木有靈禽寒空寄羽翼不止蓬萊山冥冥去何極

送如香大師

梅檀葉落雨初歇天外風清亦何別後夜蓮城溪月
寒孤光誰共倚寥沈

寄于秘丞二首

石徑通巖竇引步藏歌側蓬萊人不來掃盡蒼苔色
飛瀑千萬層五月狀冰雪將期雲霧開永夜對孤月

再成古詩

霜花一鑷中玉童摘未摘斯言如不聞千古動愁色
因憶商山吟在烏如在白

答當生不生

咄咄休強名芻狗亦爲累寂寥金粟身曾未求諸已

戲靠安巖呈雙溪大師

陝府鐵牛却知有春秋幾幾成過咎一身還作二如
來黑白不分辨香臭

疏黑白無從

天地不仁萬化蠢蠢若謂非緣竹何從笋髮兮髮兮
黑白是準

暮冬感懷寄瑞巖殿禪師

雪水遶松檻遲遲結清淺病眼時懶開幽情況難遣
故人久相別飛文屢慙覩仰謝十二峯分照月如翦
送知父禪者

霜竹凝寒携九節，銅鉞浪鎖千溪月。天上人間不自知，行行誰共分清絕。

送慶顏禪者

巖桂風清香露滴，定起高秋映虛碧。斷雲不是歸帝鄉，飛落人間有誰識。

春日懷古四首

門外春將半，巖冰暖有聲。玄沙曾未到，虛得偃溪名。
門外春將半，青青野色分。桃花開欲盡，無處覓靈雲。
門外春將半，群芳鬪盛時。鄰家有庭栢，諸祖共相知。
門外春將半，幽禽語共新。寶陀巖上客，應笑未歸人。

送僧之金陵

勝游生末跡，杳自狎時群。卷衲消寒木，揚帆寄斷雲。
暗餅花外汲，午磬浪邊聞。別後石城月，依依遠共分。

送僧

知方流古意，雲樹別諸鄰。月不澄微水，山應立是塵。
靜空孤鷲遠，高柳一蟬新。欲究勞生問，歸思莫厭頻。
千里不來

不見古君子，因循又隔秋。浮生多自擲，好事更誰留。
碧巘高沉月，寒雲靜鎖樓。宗雷何處是，白鳥下汀洲。

僧歸雪上

海國浮輕檝，悠悠興未闌。草隨春岸綠，風倚夜濤寒。
沙鷺宜相狎，霜蟾望更寬。河聲西聽日，誰得共雲端。

春晴野步

乘興携多士，遲遲傍水濱。
春山不在目，啼鳥共誰聞。
片石寒籠蘚，殘花冷襯雲。
只應融老輩，庵際境猶分。
賦瑞雪送穆大師

五六皆名出，飄花獨見稀。
若教同一色，還似負群機。
玉馬猶空說，銅駝轉更非。
爭如千萬里，相對共依依。

送鐵佛專使

荷策來尋我，泛舟思舊山。
不知何處月，相照在深灣。
風助秋濤急，雲兼野樹閑。
到時如請益，先憶趙州關。
同于秘丞賦瀑泉

大禹不知鑿，來源亦自成。
色應鄰衆白，聲合讓孤清。
遠勢曾吞海，飛流未噴鯨。
靈槎如可泛，天派問歸程。

送簡能禪者歸仙都

荷策下丹嶂，紛紛雪正飛。
浮生誰未到，舊國自重歸。
雲背猿聲斷，天遙鷲影微。
蓮城古風月，又得振清機。

天竺送僧

雪霽蓮峯頂，孤禪起石牀。
向時機自絕，異域路空長。
啼狖衝寒影，歸鴻見斷行。
後期無定跡，煙水共茫茫。
寄石秘校

重林冥坐久，引望復遲遲。
煩暑未消日，涼風來幾時。
天雲飛積火，山嵐溜散垂絲。
欲擬相尋去，浮生已共知。

因事示衆

客從遠方來遺我徑寸璧中有四箇字字字無人識
清涵鯨海寬冷射蟾輪窄今朝呈似看請道末後句
靜而善應二首

覲面相見不在多端龍蛇易辨衲子難瞞金槌影動
寶劍光寒直下來也急著眼者

對揚殊特本同參誰自遼空強指南今古不存師弟
子一輪秋月印寒潭

自誨

麟龍不爲瑞草木生光輝三尺一丈六且同携手歸
慙爾懲世師巍巍何巍巍

宗門三印三首

印空印水印泥炳然字義還迷黃頭大士不識敢問
誰得親提

印泥印空印水匝地寒濤競起其中無限麟龍幾處
爭求出窟

印水印泥印空衲子不辨西東撥開向上一竅千聖
齊立下風

革轍三門四首

劫火曾洞然木人淚先落可憐傳大士處處失樓閣
德雲閑古錐幾下妙峯頂喚他癡聖人擔雪共填井
祖佛未生前已震塗毒鼓如今誰樂聞請試分回互
宛轉復宛轉真金休百鍊喪却毗耶離無人解者箭

擬弋者慕

翠羽立高枝危巢對落輝碧潭千萬丈直下取魚歸
透法身句 二首

潦倒雲門泛鐵船江南江北競頭者可憐無限垂釣
者隨例茫茫失釣竿

一葉飄空便見秋法身須透關啾啾明年更有新條
在惱亂春風卒未休

靈隱小叅

六合茫茫競不知靈山經夏是便宜虛堂夜靜無餘
事留得禪僧立片時

因雪示衆

清光歆月不相饒堆積虛庭卒未消為瑞為祥也難
得不知誰解立齊霄

秘魔巖

把斷重津過者難擎拄須信觸體乾藿山到後知端
的同死同生未足觀

保福四謾人

等木隨身老作家逢場作戲更難加謾人謾我無人
會水長船高眼裏沙

靈雲和尚

本無迷悟數如麻獨許靈雲是作家借問徧叅諸祖
客不知何處見桃花

僧問緣生義

義列緣生笑未聞孰呈布鼓向雷門金剛鐵券諸方
問報道三千海岳昏

名實無當

玉轉珠回袒佛言精通猶是污心田老盧只解長春
米何得黃梅萬古傳

迷悟相返

霏霏梅雨洒危層五月山房冷似冰莫謂真堪弄太
信未明心地是炎蒸

道貴如愚

兩過雲凝曉半開數峯如畫碧蘿窈窕空生不解巖中

坐惹得天花動地來

大功不宰

牛頭峯頂鎖重雲獨坐寥寥寄此身百鳥不來春以
過不知誰是到庵人

晦跡自貽

圖畫當年愛洞庭波心七十二峯青如今高卧恩前
事添得盧公倚石屏

五老師子

踞地盤空勢未休爪牙何必競時流天教生在千峯
上不得雲攀也出頭

與時寡合

居士門高謁未期，閑隈巖石且相宜。
太湖三萬六千頃，月在清波說向誰。

宜謙山主赴郵城命

休向千峯過好時，白雲高卧趣還卑。
塗中無限未歸客，不待相依更待誰。

庭前栢樹子言

七百甲子老禪和，安穩家那苦是他。
人問西來指庭栢，却令天下動干戈。

千聖靈機不易親，龍生龍子莫因循。
趙州奪得連城璧，秦主相如認喪身。

贈琴僧

太古清音發指端，月當空頂夜堂寒。
悲風流水多鳴咽，不聽希聲不用彈。

送僧

帆挂澄江兩鬣時，綠鏤春岸草離離。
定乾坤句輕相送，逢著知音舉向伊。

送僧之婺城二首

孤雲徒自類行蹤，高指金華思不窮。
日暮輕帆映秋色，沙禽啼斷一江風。

婺溪煙景稱生涯，輕泛蘭舟意未賒。
八詠清風好相繼，碧雲流本是詩家。

送文用庵主歸舊隱

太白峯前舊隱基
杉松寒翠滴無時
經年拋却又歸
去再聽巖猿只自知

送顯沖禪者之雲上觀兄著作

選佛選官應在我
難兄難弟不唯他
汀花岸草芳菲
日遠遠清風爭奈何

送寶月禪者之天台

春風吹斷海山雲
別夜寥寥絕四鄰
月在石橋更無
月不知誰是月邊人

玄沙和尚

本是釣魚船上客
偶除鬚髮著袈裟
祖佛位中留不
得夜來依舊宿蘆花

偶作

拾翠尋芳烈夜燈
蘆葦空勝笑無能
飛泉冷淡與誰
聽空落斷崖千萬層

送僧

路歧長草帶青青
雲片相兼野思生
多謝春風莫吹
散等閑爲蓋贈君行

送純禪者

莎蘿雨滴蒼苔痕
前峯後峯啼斷猿
携筇別我下層
翠何處靜敲仁者門

和頑書記見寄

古松吟遶石磷磷
湯惠休辭豈易聞
紅葉寫成藏不

得暮風吹斷碧溪雲

送允誠禪者

飛泉列岫壓窮野冷碧寒青光闐射片雲片石何太
高爲誰留在長松下

送僧

古藤枝寒索索方倚靠又拈却海闊天遙非等閑風
前曾共孤雲約

送清禪者

瘦藤春雲深天涯去無侶時笑野泉聲似共流鶯語
落落風規今古情相逢會有知音舉

辭干祕丞

永夜潛思槁木身蓬仙門館漸經旬雖干清政爲高
客爭奈白雲無主人巖瀉瀑泉機未息雨零寒葉夢
猶頻此時賢宰容歸去古像焚檀祝有因

送僧

涼颺新葉墜巖陰禪起高秋別翠岑孤月冷光清有
興斷雲閑影合無心餅分吳浪情何極鉢化膺門道
更深好是却廻舊房日倚欄同看橘鋪金

往復無間十二首

平日寅朕北之前已喪真老胡鶴樹慚開口猶舉雙
趺誑後人

日出郊萬國香花競頭走邯鄲學步笑傍觀豈知凶

禍逐其後

食時辰大嚮那堪列主賓
雄摩香飯本非酸怪他鷺
鷺獨生瞋

禺中已荆棘園林徧大地
南北東西卒未休金剛燄
復從何起

日南午寒厚騰輝示天鼓
鬱頭藍已定全身何假周
行誇七步

日映未碧眼胡來欺漢地
九年計較不能成剛有癡
人求斷臂

哺時由急急逃生路上人
草鞋踏盡家鄉遠頂戴燒
鍾一萬斤

日入西室內覆盆且依舊
塵塵彼彼丈夫兒井中之
物同時吼

黃昏成寰中不礙平人出
瓦礫先生珠玉閑將軍豈
用驅邊卒

人定亥六合茫茫誰不在
長空有月自尋常霧起雲
騰也奇怪

半夜子雞唱漁歌聲未已
雨花徒說問空生高枕千
門睡方美

鷄鳴田貴賤尊卑各相守
忙者忙兮閑者閑古今休
論自長久

送僧

巖泉高鎖黃金宅，衲卷秋雲古標格。離歌誰贈欲行人，徧界同爲一宿客。春色依依日杲杲，南北東西好。看，好開市，揆笑嬌尸迦。草頭青點俱，眠老阿呵呵。人間天上不知他，糲竭節有頂門眼。歸去清風拂薜蘿。

寄李都尉

水月拈來作者殊，東西南北謾區區。也知金粟李居士，端坐重城笑老盧。叱

寄池陽曾學士

山萬重兮水萬枝，堆青流碧冷便宜。筭來免得生遙恨，不在詩情在祖師。

寄四明使君沈祠部二音

三

露冕民謠物物成，江山千里古風清。曹溪客是無機者，日在深雲聽頌聲。

蒼蒼德也亦如斯，政化全歸副倚毗。十萬人家寫春色，不知誰解立生祠。

寄內侍太保二音

千尺巖泉噴冷聲，草堂雲淡竹風清。蒲團時倚無他事，水日寥寥謝太平。

蘿龕薛室狎猿猴，忽捧綸言挂紫袍。恩大不知何以報，五雲天上望空勞。

寄曹都護

故國休言萬里程，爲官爲釋且分明。道存不必曾傾

蓋俱有清風匝地生

送僧

虎角深藏不待時全機曾許雪林知如今百越拈來也草偃風行是信旗

寄靈隱惠明禪師二首

千峯影裏葉初凋極望還將慰寂寥也謂毫端不相隔秋雲秋水奈遙遙

海嶠生片雲有時忽如蓋不挂飛來峯悠悠擬何待

送益書記之雲水

白蘋汀是舊家鄉歸興蘭舟泛渺茫日暮沙禽啼欲斷不知誰在碧雲房

慶元府雪竇明覺大師祖英集上

